



INATSISARTUT

**Aningaasaqarnermut Nunamullu
Namminermt Naalackersuisoq
/MAANI**

Ulloq: 30. juni 2013
J.nr.: 01.31.06/13-00623

**Aningaasaqarnermut Akileraartarnermullu Ataatsimiititaliap pingasunngornermi
ulloq 26. juni 2013-imi aalajangiineranik Naalackersuisunut ilisimatitsineq (suliaq nr.
01.31.06/13-00623)**

**Maniitsup eqqaa pillugu Royal Greenland A/S-imut sullissinissamik
isumaqatigiissummut tapiliusaaq**

Naalackersuisut inassutigaaq,

- Maniitsup eqqaani suanniarneq pillugu Royal Greenlandimut sullissinissamik isumaqatigiissut ilanngunneqartoq akuerineqassasoq,
- Sullissinissamullu aningaasaliissutit 585.000 koruuniusut kontomit pingaarnermit 50.01.18-mit, Ingerlatsinermt isumaqatigiissutit, tunisassiorfiit-nit tiguneqassasut.

Aningaasaqarnermut Ataatsimiititaliap oqaaseqaatai

Suaat Maniitsup eqqaani tunisat Nuummi tunisassiorfimmut assartorneqarnissaat pillugu Royal Greenland A/S-imik sullissinissamik isumaqatigiissuteqarnissaq Naalackersuisut qinnuteqaatikkut ugguuna kissaatigaat.

Ataatsimiititaliap suliassaq ulloq 12. juni ataatsimiinnermini siullermik suliaraa, tassani suliassaq isummerfigisinnaaqullugu immikkoortut arlallit pillugit nassuiaammik tigusaqarnissaq ataatsimiititaliamit pisariaqartinneqarluni. Akissut Naalackersuisunit ulloq 19. juni tiguneqarpoq.

Royal Greenland A/S-imik (RG) sullissinissaq pillugu isumaqatigiissuteqarneq ataatsimiititaliaq matuminnga akuersissutiginnitsinnagu pissanngitsoq aammalu siunertamut aningaasartuuteqartoqarsimanngitsoq Naalackersuisut paasissutissiissutigaaq, tamannalu missingersuusiordernermt inatsimmut naapertuuppoq.

Arctic Green Food A/S-ip (AGF) akiliisinnaajunnaarnera pissutigalugu pissutsit immikkut ittut atuutilersimasut, taamaattumillu aalisartut tunisisinnaanissaat qulakkeerumallugu periarfissanik allanik ujarlernissaq pisariaqarsimasoq Naalackersuisut paasissutissiissutigaaq. Tamatuma saniatigut tunisassiorfimmik maanna piginnittup, siusinnerusukkut AGF-ip Namminersomerullutillu Oqartussat akornanni sullissinissamik isumaqatigiissuteqarsimasup, suleqatiginissaa aalisartunit kissaatigineqarsimanngilaq. Pissutsit immikkut ittuunerat aammalu najukkami aalisartut tunisinissamut periarfissaqarnissaannik qulakkeerinissap pisariaqartinneqarnera ataatsimiititaliamit tunngaviatigut paasilluarneqarsinnaavoq.

Aningaasaqarnermut Ataatsimiititaliami amerlanerussutegartut Siumup Atassutillu ilaasortaataa qinnuteqaat akuerisinnaangilaat. RG-p sullissinissamik isumaqatigissuteqarfigineqarnissaa sooq pisariaqarnersoq aammalu naak nipisaat suaat Maniitsup eqqaanit Nuummumt assartorneqarnerat immikkut aningaasartuuteqarfiugaluortoq nipisaat suaasa akiannut sanilliullugu Nuummi tunisassiorfimmi suliarinninnikkut annertuumik ingerlatsineq sooq iluaqtissarsiffiusinnaanginnersoq naammattumik nassuiarneqarsimanngitsut amerlanerussutegartut isumaqarput. Minnerunngitsumik nipisaat suaasa takkusimaarnerat naareersoq Naalakkersuisut qinnuteqaammik Aningaasaqarnermut Ataatsimiititaliamut nassiusinerit ajornartorsiutissartaqartut ataatsimiititaliami amerlanerussutegartunit isigineqarpoq. Tamanna tunngavigalugu akuersissutiginnineq tassaassaaq aningaasat atorneqareerneranni aningaasaliissuteqarneq.

Aningaasaqarnermut Ataatsimiititaliami ikinnerussutegartut Inuit Ataqtigiit ilaasortaataa ima tunngavilersuuteqarlutik qinnuteqaat akuerineqarnissaa kissaatigaat:

”AGF-ip akiliisinaajunnaarnerat kingunerisaanik tunisinissamut periarfissanik allanik nassaarniarnissap pisariaqarnera Inuit Ataqtigiinnit akuersarneqarpoq. Taamaattumillu qinnuteqaat Inuit Ataqtigiinnit akuerineqarsinnaavoq ajuusaarineqarlunilu Aningaasaqarnermut Ataatsimiititaliami amerlanerussutegartunit itigartinneqarmat.

Suaat takkusimaarnerat qaangiutereersoq sullissinissamik isumaqatigiissutip akuerineqarnissaa Naalakkersuisunit Aningaasaqarnermut Ataatsimiititaliamut aatsaat qinnutiginerqarnera Inuit Ataqtigiinnit naammagineqanngilaq. Tamanna Aningaasaqarnermut Ataatsimiititaliap – taamaallunilu aamma Inatsisartut – oqartussaassuseqarnerannik ataqqinninnginneruvoq. Isornartorsiuneq apeqqutillu suliamik suliarinninnermi Aningaasaqarnermut Ataatsimiititaliamit saqqummiunneqartut Naalakkersuisunit isummerfigineqannginnerat Inuit Ataqtigiinnit aamma naammagineqanngilaq.

Suliami matumani Royal Greenland isornartorsiussallugu eqqortuunngilaq. Aningaasanut inatsimmi aalajangersakkanik eqquutsinissaq aammalu Inatsisartunik pitsaasumik oqaloqatiginninnissaq Naalakkersuisut kisimik akisussaaffigaat .

AGF-ip akiliisinaajunnaarneratut ittumik siumut naatsorsuutigineqanngitsumik ajuusaarnartumillu pisoqaraluortoq aalisartut tunisinissamut periarfissaqartinneqarnissaat suliami matumani pingaarnersooq isumaqarpugut, taamaattumillu Naalakkersuisut qinnuteqaataat akuersissutigaarput – naak Naalakkersuisut suliamik suliarinninnermini pikkorlussimagaluartut.”

Aningaasaqarnermut Ataatsimiititaliap aalajangiinera

Aningaasaqarnermut Ataatsimiititaliami ikinnerussutegartut Siumut Atassutillu ilaasortaataa Naalakkersuisut inassuteqaataat **akuersissutiginnigilaat**.

Aningaasaqarnermut Ataatsimiititaliami ikinnerussutegartut Inuit Ataqtigiit ilaasortaataa Naalakkersuisut inassuteqaataat **akuersissutigaaat**.

Ataatsimiititaliap sinnerlugu

Finn Karlsen
Ataatsimiititaliap siulittaasua